

iib ma galo



JAMHUURIYADDA DIMOQRAADIGA SOOMAALIYA

الجمهورية الصومالية الديمقراطية

Sannadka 11aad Muqdisho 1 Juunyo 1983 L. 6

FAAHFAAHIN BIL SOO BAXA

جريدة شهرية

Laanta Faafinta Rasmiga ah ee Madaxtooyada J. D. S. QIIMADU Waa 5 Shan lambar walba—RUKUNKA: Sannadii waa Sh. So. 100 Somaliya gudaheeda—dibaddeedana waa Sh. So. 300 Rukunka la weydiisto waqtiga loo gooyey wu xuu ka bilaabmaa 1 Janayo Qiimaha qoritaanku F.R. halkii sadar iyo wixii ka yar waa 2 laba lh. Rukunka & qorista nka waxaa la weydiistaa Laanta Maamulka Faafinta Rasmi ga ah—lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOOWAAD

S H A R C I

W. M.

QAYBTA

LABAAD

X E E R

XEER WASAARADDA GAASHAANDHIG

GA L. 6 ee 27 Maajo 1983, Xeer Nidaa miyaha Hawlaha Difaaca Qaranka

QAYBTA

SADDEXAAD

TALOOPYIN ISGAARSIIN OGEYSIIS IYO WIXII LA MID AH.

Wakaaladda M. Qaranka

## WASIIRKA GAASHAANDHIGGA

MARKUU ARKAY: Qod. 15 bis ee Sharciga Hawsha Difaaca Qaranka L. 32 ee 28 Abriile 1981. oo awood siinayo in uu soo dejiyo Xeer nidaamiye lagu hirge liyo laguna fuliyo Sharciga kor ku magacaaban.

MARKUU GARTAY: Baahida deg deg ah ee loo qabo in Sharciga Hawsha Difaaca Qaranka loo dejiyo Xeer Nidaamiye u gaar ah oo lagu hirgeliyo.

TIXGELIYAYNA: Soo jeedinta Guddiga loo magacaa bay diyaarinta Xeer Nidaamiyahaas.

## WUXUU SOO SAARAYAA

Xeer Nidaamiyaha soo socda:

## QAYBTA KOOWAAD

UJEEDDADA IYO MAAMULKA GUUD EE H. D. Q.

Qod. 1aad

## HAWSHA DIFAACA QARANKA

1. Hawsha Difaaca Qaranka waa hab la doonayo in lagu abuurro Ciidanka abaabulan Muwaadiniinta Soo maaliyeed oo dhan iyagoo si isdabajoog ah ugu kalmayaan ka qayb gal kiisa si loo fuliyo waajibaadka asaa sigaa ah oo lagu xaqiijinaayo Difaaca Waddanka, ilaalinta soohdimaha Qaranka, sugidda nabadgelyada guda ha iyo u gurmashada dhibaatooyinka la xiriira dabecadda.

2. Waxaa loogu yeeri karaa H.D.Q. Muwaadin ka-staao caafimaadkiisu jireed iyo maskaxeedba wada dhan yihiin, da'diisuna u dhexeyso 18 ilaa 40 sano waxaa na muwaadinka, keyd ahaan loogu haynayaa hawsha Difaaca Qaranka ilaa uu ka gaaro 50 sono.

3. Waxaa kaloo loogu yeeri karaa hawsha Difaaca Qaranka qof kasta oo aan jinsiyad lahayn (apolide) ee ku dhashay ama ku dhaqan dalka J. D. S.

### Qod. 2aad

## UJEEDDADA HAWSHA DIFAACA QARANKA

Ujeeddada laga leeyahay Hawsha Difaaca Qaranka waxay tahay:—

1. In Muwaadiniinta Soomaaliyeed oo dhan, marka ay buuxiyaan shuruudaha ku xusan Qodobka 1aad la soo mariyo tababar Militeri oo loogu laylinaayo barashada hawsha Ciidanka iyo takhasusyada kala duwan iyadoo isla markaana ay ka shaqeynayaan muddo kooban oo ku beegan marka ay Muwaadiniintu yihiin barbaar itaalkooda buuxa si ugu dambeystii loo helo Ciidan karti iyo tayaba leh.

2. In Ciidanka uu si joogto u helo dhalinyaro yi didiilo iyo niyad sare u leh gudashada waajibaadka hawsha Ciidamada isla markaana loo xaliyo culeyska dhibaatooyinka bulshadeed oo waqtiga la xiriira ee badanaa la soo gudboonaada askarta iqtiyaariga ku soo gashay Ciidammada ee muddo dheer Ciidanka gudishiisa dhexjooga.

3. In xirfadaha iyo farsamooyinka kala duwan ee Ciidammada laga qayb geliyo dhalinyaro aqoontooda guu sarreyso oo si buuxda u hanan karaan tekniloojiyada Casriga ah oo la xiriirta qalabka iyo teknikada ay Ciidammadu haystaan.

4. In Ciidammada loo abuurro kayd joogto ah oo tababaran si dhaqso ahna loo dhiiri gelin karo, loona hawl gelin karo marka loo baahdo.

5. In Muwaadiniinta gudanaysa hawsha Difaaca Qaranka ay muddada Ciidanka gudahiisa joogaan, qaa taan aqoon farsamo iyo mid xirfadeedba oo wax tar u leh hawlaha Ciidammada iyo rayidka, si marka dib loogu soo celiyo bulshaweynta, ay shakhsi ahaan ugu faaideystaan, una helaan awood dhexgal qaybaha wax

— 3 —  
Qod. 3aad

Shuruudaha Saldhigga u ah Xulka Muwaadiniinta  
haystana buugga Bad-maaxinta.

- In uu ka shaqeeeyey Dekadaha Badda ama qaybta hawlo la xiriira xirfadaha Badda.
- Inuu haysto Shahaadada wadidda Doonyaha, Saxii-madaha iyo farsamooyinka la xiriira.
- Inuu ka shaqeeeyey Shirkadaha sameeya nooyada Maraakiibta doonyaha iyo Saxiimadaha.
- Inuu aqoon u leeyahay jilaabashada Kalluunka ama ka shaqeeeyey suuqyada Kalluunka.
- Inuu ka soo baxay Dugsiga Farsamada Badda ama Macaahidda iyo Jaamacadaha Farsamada Badda.
- Haddii uu codsado loona aqoonsado inuu leeyahay saansaan iyo niyad jeceyl ee Ciidan Badeed.
- In uu ka shaqeeyo ama ka shaqeeeyey Hay'adaha Dawladda & Iskaashatooyinka xiriirka shaqo Badda la leh.

Qod. 4aad

Shuruudaha Saldhigga u ah Xulka Muwaadinka  
Loo Qaadanayo Ciidanka Cirka

Guud ahaan Muwaadiniinta loo qaadanayo Ciidanka Cirka, waxaa laga qaadanaya kuwa loogu tala galay Ciidammada Dhulka oo buuxiyey shuruudaha kaltanka H. D. Q. Hase yeeshee, waxaa xulashadooda tixgelin gaar ahaaneed la siinaya:

1. Jaamiciyiinta, Farsamayagaanada iyo Xirfad-leyaasha ku takhasusay hawlaha cirka iyo ardayda ka qoran Qeybta Injiyeeridda Cirka.

2. Muwaadiniinta haysata shahaadooyinka Duuliyenimada Dijaaradaha madaniga ah.

3. Muwaadiniinta horey ku shaqeeeyeen amase ka

Qod. 5aad

Muwaadiniinta Loo Qaadanayo Ciidanka D. Cirka

Muwaadiniinta loo qaadanayo Ciidanka D. Cirka, waxay la xaalad yihiin kuwa loo qaadanayo Ciidanka Cirka ayadoo fiiro gaar ah la siinayo Muwaadiniinta ku takhasustay qaybaha Culuunta Eletoroonikada, Xisaa-baadka iyo Fiisikada ama kuwa ka shaqeeyey Farsamooyinka la xiriira Maamulka Eletoroonikada,

Qod. 6aad

Xuika Muwaadiniinta Loo Qaadanayo Noocyada Ciidammada Qalabka Sida

Muwaadiniinta loo qaadanayo Noocyada Ciidammada Qalabka Sida ee ka baxsan X. D. S. (Ciidanka Booliska, Asluubta, Nabadsugidda iyo Guulwadayaasha), waxaa laga qaadanayaa kuwa loogu tala galay xulka Ciidammada Dhulka, waxaase fiiro gaar ah la siinay hadba Farsamooyinka gaar ahaaneed uu u baahan yahay Ciidan waliba iyo saansaanta qofeed ee Muwaadiniinta.

Qod. 7aad

Dufcada H. Difaaca Qaranka

1. Dufcada H. D. Q. Waxay tahay Muwaadiniinta oo isku Da'da ah oo sannad wada dhalatay (Bilowgiisa ilaa dhammaadkiisa).

2. Dufcooyinka H. D. Q. waxay isugu xigaan hab isdabjooq ah oo la xiriirta Da'da, waxaana la siinayaa dufco kasta magac koox ah iyo lambar u gaar ah oo lagu aqoonsado.

QAYBTA LABAAD

Xubnaha Hawsha Difaaca Qaranka

Qod. 8aad

Hoggaamiyaha H. D. Qaranka

Wasiirka Wasaaradda Gaashaandhigga ayaa mas'uul ka ah Hoggaaminta H. D. Qaranka xagga qorsheyn-

### Qod. 9aad

Hayadaha u Xilsaaran H. D. Q.

1. Guddiga Sare ee abaabulka hawsha Difaaca Qaranka, Hoggaanka abaabulka iyo Kicinta ee Wasaaradda Gaashaandhigga, Qaybaha iyo Waaxyaha H.D.Q. ee kala duwan oo u xil saaran Maamulka Dalka gudihii-  
sa iyo dibadiisaba, waxayna si toos ah u hoos imaana-  
yaan xubnahaasi Wasiirka Wasaaradda Gaashaan-  
dhigga.

2. Safaaradaha Soomaaliyeed ayaa ka mas'uul ah xaqiijinta ka qaybgalka Muwaadiniinta Soomaaliyeed ee ku nool dibedda (ku dhashay, ka shaqeeya) buuxiye-  
yna shuruudaha ka qayb galka H. D. Q.

3. Wasiirka Wasaaradda Gaashaandhigga, waxaa uga mas'uul ah Maamulka H. D. Q. Hoggaanka Qorsha-  
ha abaabulka iyo kicinta.

### Qod. 10aad

Koobnaanta Guddiga Sare Abaabulka H. D. Q.

1. Wasiirka Was/da Gaashaan/ga — Guddoomiye
2. Taliyaha Ciidanka Booliska — xubin
3. Taliyaha Ciidanka Asluubta — xubin
4. Taliyaha Ciidanka Guul/sha — xubin
5. Taliyaha Ciidanka Nabad/da — xubin
6. Madaxa H. Q. Abaa/ka & K. — Xoghaye

Guddigaas, waxaa kale oo la taliya xagga farsama-  
da uu ugu yeeran karaa hay'adaha kala duwan ee Daw-  
ladda iyo gaar ahaan madaxda Hoggaamada Ciidam-  
mada Qalabka Sida.

### Qod. 11aad

Waajibaadka Buddiga Sare ee Abaabulka H. D. Q.

1. Guddiga, wuxuu sannad kasta bilowgiisa daraa  
so ku sameynayaa. qorshaha sannadka ee kaltanka  
H. D. Q. ee uu soo diyaariyo Hoggaanka Qorshaha Abaa  
bulka iyo Kicinta, asagoo fiiro gaar ah siinaaya baahi-  
da iyo dhameystirnaanta C. Q. S. ayadoo la tixgelinaayo

ee C. Q. S. Awoodda Dugsiyada Tababarada ee Jayliska jadiidka, L/Saraakiisha, L.S.Xigeenka iyo takhasusyada, awoodda miisaaniyadda Wasaaradda Gaashaandhiga iyo noocyada C. Q. S. ku jaangooyeen H. D. Q. Xaaladaha guud ee markasta Daiku ku sugan yahay.

2. Guddigu wuxuu xaddidayaa tirada Muwaadiniinta ka qeyb galeysa H. D. Q. iyo tirada Ciidan kasta ka siinaayo, qorshaha baahida iyo helitaanka Muwaadiniinta loo qaadanaayo H. D. Q. (tirada baahida iyo inta la helay).

3. Guddigu, wuxuu go'aaminayaa arrin kasta oo culus oo heer qaran ah oo saameysa H. D. Q. oo ka gaa-ri waayaan xallin qaybaha Abaabulka H. D. Qaranka.

4. Guddigu, wuxuu ansixinayaa, diidayaa, dib u dhigayaa xaaladaha Muwaadiniinta la xiriira oo ay soo gudbiyaan Guddi Hooseedyada heer Deegaan Ciidameed

#### Qod. 12aad

Qaybaha Abaabulka H. D. Q. Deegaan Ciidameed  
(Qaybaha)

Madaxda Qaybaha H. D. Q. xagga fulinta waajibaa-  
dkooda, waxay la kaashan karaan, haddii ay lagama  
maarmaan noqoto.

— Taliyeyaasha Ciidammada Qalabka Sida ee Qaybaha  
ay u xil saaran yihiin.

— Guddoomiyeyaasha Gobollada, Degmooyinka, Waax-  
yaha iyo Xafiisyada kala duwan ee Wasaaradda iyo  
Waaxyaha Hay'adaha Dawladda ee madax banaan.

#### Qod. 13aad

Wajibbaadka iyo aagga Mas'uuliyadda ee Madaxda  
Qaybaha Abaabulka H. D. Q.

1. Madaxa Qaybta Abaabulka H. D. Q. Wuxuu mas'  
uul ka yahay dhammaan hawlaha la xiriira H. D. Q. ee  
Gobollada Deegaanka Ciidammada iyo Gobollada Abaa-  
bul ahaan u raacsam, fadhiyadooda waana sida ku xu-  
san tifaafa N. laad.

2. Waajibaadka Qaybta ee Abaabulka H. D. Q.

- Dersadda Hawlaha kala duwan ee H. D. Q. ee waaxda & Xafiisyada Abaabulka ee Gobollada.
- Jaangoynta iyo diyaarinta Qorshaha gaar ahaaneed ee H. D. Q. ee Gobollada iyo Degmooyinka raacsan sannad kasta.
- La socodsiinta diyaarinta tirakoobka Muwaadiniinta buuxjisay shuruudaha H. D. Q. ee Gobollada.
- Xaqiijinta soo gudbinta liiska ka qayb galayaasha H. D. Q.
- Gaarsiinta tilmaamaha iyo diritiifooyinka Waaxda & Xafiisyada Abaabulka H. D. Qaranka.
- Iskudubaridka iyo kormeeridda hannaanka fulinta H. D. Qaranka.
- Xaqiijinta diyaarsanaanta iyo qalabaynta Dugsiyada Tababarka H. D. Qaranka.
- Diyaarinta Macallimiinta iyo qalabka Saldhigga waxbarashada.
- Xaqiijinta Diiwaan-gelinta Muwaadiniinta loo qaadanyo ka qayb galka H. D. Qaranka.
- La socodka, habaynta iyo ansixinta liiska Muwaadiniinta laga reebayo ka qayb galka H. D. Q. ayadoo qof kasta lagu hor caddeynayo sababta looga reebay ama dib loogu dhigay lana raacinayo qoraallada la xiriira ka reebidda H. D. Qaranka.
- Xaqiijinta hannaanka qorista diiwaanka kaydka ee Muwaadiniinta sannad kasta soo mara H. D. Q. iyo u gudbinta magacyadooda Waaxda iyo Xafiisyada Abaabulka ee H. D. Qaranka.

Qod. 14aad

- Waajibaadka Waaxyaha & Xafiisyada Abaabulka H.D.Q.
- Waaxyaha iyo Xafiisyada H. D. Q. waa Hay'adaha sida tooska ah ugu mas'uulka ah maamulka isdaba-jogga ah ee H. D. Qaranka.



Waaxyaha Abaabulka H. D. Q. Waxay si toos ah ugu xiran yihiin Hoggaanka Qorshaha Abaabulka iyo Kicin-ta iyo qaybaha Abaabulka H. D. Q. Saldhigyada iyo De-gaanka Ciidammada.

Xafiisyada Abaabulka H. D. Q. ee Gobollada waxay hoos yimaadaan Waaxyaha Abaabulka H. D. Q. Waaji-baadkooduna wuxuu yahay.

— Maamulka Hawlaha kala duwan ee H. D. Q. ee Gobol-lada Degmooyinka ka tirsan.

— Joogtaynta iyo habaynta Qorshayaasha gaar ahaa-need ee H. D. Q. ee Gobolladaas.

— La socodka diyaarinta tirakoobka Muwaadiniinta buuxisay shuruudaha H. D. Q. ayagoo kala kaasha-naya Xafiisyada Dawladaha Hoose (Ufficio Anagra-fo) ee Gobolladaas.

— Xaqiijinta soo gudbinta liiska ka qayb galayaasha H. D. Qaranka.

— Gaarsiinta tilmaamaha iyo diritiifooyinka la xiriira qaban qaabada H. D. Q. Dadweynaha ku nool Gobol-lada, Degmooyinka iyo Hay'adaha Dawladda.

Xaqiijinta diiwaangelinta Muwaadiniinta ay ku waajibtay ka qayb galka H. D. Qaranka.

— Qoridda iyo xaqiijinta habka mideysan ee diiwaange-linta kala horreynta Dufcooyinka H. D. Qaranka.

— Qabanqaabinta iyo diyaarinta ka qaybgalayaasha H. D. Q. iyo u gudbinta Baaritaanka Guddiyada Caa-fimaadka.

— U kala soocidda iyo xulitaanka Muwaadiniinta u qal-midda H. D. Q. ayadoo u kala saaraya.

B. Ka qeybgelid.

T. Ka reebid.

J. Did ugu dhigid.

X. Ka dhuuntay (la waayey) ka qeyb galka H. D. Qaranka.

— Habaynta iyo u soo gudbinta liiska ka qeybgalayaa sha qeybaha Abaabulka H. D. Q.

— Diyaarinta iyo habeynta dhammaan dokumentiyada Maamulka H. D. Q.

- Diiwaangelinta Muwaadiniinta soo gudatay H. D. Q. ee ku nool Degmooyinka ka tirsan Gobollada ayadoo loo kala qorayo, Degmo—Degmo iyo Dufco—Dufco Darajo, Farsamo iyo Takhasus si loogu hayo kaydka guud ee Ciidammada.
- Joogtaynta Xaaladaha isbeddeika Muwaadiniinta ka ydka ah ee soo gudatay H. D. Q.
- Xafiisyada Abaabulka H. D. Q. ee Gobollada J. D. S. (fiiri lifaaqa 3aad).

### QAYBTA SADDEXAAD

Habka Maamulka Hawsha Difaaca Qaranka

#### Qod. 15aad

Habka Maamulka Is Dabajooga ah ee H. D. Qaranka.

1. Xafiisyada Dawladaha Hoose ee Degmooyinka J. D. S. waa in ay diyaariyaan isla markaasna u soo gu dbiyaan liiska Muwaadiniinta oo cimrigoodu gaaray 18 sano Xafiisyada H. D. Q. ugu dambeyn 15 ee bisha Jan naayo sannad kasta.

2. Madaxda Waaxyaha H. D. Q. ee Gobollada, wa xay u soo gudbinayaan liiska Muwaadiniinta qaybaha Abaabulka H. D. Q. ee ka furan qaybaha, Saldhigga 43aad ama deegaanka Ciidammada Xamar ugu dambe yn 15 bisha Febaraayo ee sannad kasta.

3. Qaybaha Abaabulka H. D. Q. kaddib markay uruuriyaan, mideeyaan, u qoraan degmo—degmo, aya goo magacyada liiska Muwaadiniinta isugu xijinaya ha bka kala horeynta xarfaha, waxay u soo gudbinayaan Hoggaanka Qorshaha Abaabulka iyo Kicinta ugu dam beyn 15 Abriile ee sannad kasta.

4. Hoggaanka Qorshaha Abaabulka iyo Kicinta, wuxuu uruurinayaa mideynayaa dhammaan liiska Mu waadiniinta ka qayb geleysa H. D. Q. oo ay soo gudbi yaan qaybaha Abaabulka H. D. Qaranka.

Kaddib markuu diyaariyo, mideeyo liiska ka qeyb galayaasha H. D. Q. oo ay u buuxsantay 18 sano, wuxuu soo hordhigayaa Guddiga Sare ee H. D. Q. sidoo kale Hoggaanka wuxuu guddiga soo hordhigayaa Qorshaha baahida Ciidammada iyo tirada ka qayb galayaasha H. D. Q.

Kaddib markii uu is barbardhigo baahida iyo awo odda dhaqaale, tirada Muwaadiniinta ka qayb galeysa H. D. Q. guddiga wuxuu soo saarayaa Jaangooyada guud ee H. D. Qaranka

5. Bisha Maajo bilowgeeda ee sannad kasta Gud diga Sare ee Abaabulka H. D. Q. wuxuu soo saarayaa Go'aan ay qeexayaan maalinta iyo Saacadda loo yeera yo ka qeybgalayaasha H. D. Q. oo ay buuxsan tahay 18 sano.

#### Qod. 16aad

U Yeeridda Ka Qeyb Galayaasha H. D. Qaranka

1. U yeeridda Muwaadiniinta ka qeyb galaysa H. D. Q. waxaa lagu soo saarayaa Faafinta Rasmiga ah oo heer Wasaaradeed ah (Wasaaradda Gaashaan/ga).

2. Kaddib markii la soo saaro Faafintaas, waxaa loo gudbinayaa qeybaha iyo Waaxyaha Abaabulka H. D. Q. ee Ciidammada.

#### Qod. 17aad

Habka Fulinta Maamulka H. D. Qaranka.

1. Faafinta Rasmiga ah oo lagu soo saaro liiska Muwaadiniinta ka qeyb galaysa H. D. Q. iyo jaangooya da guud ee Wasaaradda Gaashaandhigga, waxaa loo gu dbinayaa qaybaha iyo Waaxyaha Abaabulka H. D. Q. ee Ciidammada.

2. Qaqbaaha ee Abaabulka H. D. Q. marku uu da raasad ku sameeyo jaangooyada guud ee Wasaaradda Gaashaandhigga, wuxuu soo saarayaa jaangooyada gaar ahaaneed ee H. D. Q. ee Gobollada raacsan waana sida soo socota:

B) Tilmaamaha guud ee jaangooyada H. D. Q.

T) Qorshaha barnaamijka shaqada ee fulinta H. D. Q. oo ay ku xusan yihiin taariikhda la fulinayo ha wlaha, kulanada Madaxda qaybaha iyo Waaxyaha H. D. Q. ee Gobollada, u yeeridda Muwaadiniinta ka qaybgaleysa, soo ururinta, xulka soo gudhinta iyo ...

Qod. 18aad

Xulka Muwaadiniinta Ka soo Qayb Galaysa H. D. Q.

1. Shuruudaha saldhigga u ah xulka ee Muwaa dinka looga reebi karo ka qaybgalka H. D. Q. waxay yihiin: Caafimaad xumo maskaxeed iyo jireed (Inca pacita' Fisico Psico- ama hufnaan xumada shaqsiyada qofka (Indignita' morale).

2. Caafimaad xumada jireed iyo midda maska xeedba, waxay noqon karaan mid joogto ah ama mid aan jlgto ahayn.

Waxaa loola jeedaa caafimaad xumo joogto ah, marka ay qofka jirkiisa ka maqan tahay ama uu naafo ka yahay xubin muhiim ah oo horjoogsaneysa waxtar kiisa.

Caafimaad xumo aan joogto ahayn, waxay tahay mid ku xiran waqti kooban oo qofku dhibaataadeeda ka ga soo kabsan karo muddo kaddib, Muwaadinka ku sifoobay xaaladdaas, dib ayaa loogu dhigayaa gudash ada Hawsha Difaaca Qaranka.

3. Hufnaan xumada shaqsiyadda Muwaadinka, waxaa loola jeedaa: In qofka ka qaybgalaya H. D. Q. uu ka dhowrsan yahay balwad lid ku ah hiddiha iyo dhaqanka, niyadda guud iyo Diintaba isla markaasna gelin dembi culus ama fal fadeexad weyn u keenaya bulshada, iyadoo ujeedadu tahay in laga fogeeyo Cii dammada Dadka caynkaas ah, si loo dhowro sharafta iyo haybadda Ciidammada.

4. Waxaa kaloo H. D. Q. laga reebayaa Muwaadi nka ku sifooba xaaladaha soo socda:

B) Madiga labadiisa Waalid ayan lahayn caruur kale

T) Agoonta labadiisa Waalid dhinteen oo korinaa ya caruur la dhalatay.

J) Muwaadinka qoys madax u ah, dhalayna caruur badan oo isagu ka mas'uul yahay cid kale oo u hay

ahayn oo u dhaxeeya lab iyo dheddig (Lbeeb) amase Abuurkiisa jireed u dhisan yahay si dabecadda bani aadamka ka duwan.

5. Muwaadinka buuxiya shuruudaha ka qaybgalka H. D. Q. iyo kuwa ku xusan xubnaha 2aad, 3aad iyo 4aad ee qodobkan, waxaa saameynaya kala soocid hore iyadoo la tixgelinayo waxyaabaha soo socda.

B) Heerka Caafimaadkiisa iyo dhismihiisa jireed, heerka caqligiisa iyo aqoontiisa.

T) Heerka tacliinta iyadoo loo kala saarayo Ummi, Dugsiga Hoose, Dugsiga Dhexe, Dugsiga Sare, ka sarree ye Dugsiga Sare, Jaamici.

J) Nooca shaqada uu hayey iyo xirfadaha uu yaqaan.

Tilmaamaha xirfadaha kor ku xusan oo saldhig u noqonaya u kala qaybinta Muwaadintiinta la soo xaree yey takhsusyada, Farsamooyinka iyo xirfadaha kala duwan, waxaa Muwaadin kasta looga qorayaa jallaadkiisa shaqsiga, iyadoo kartidiisa iyo saansaanta dabecadda (Attitudine), la sii sugayo muddada uu ku jiro Layliska jadiidka.

Koobnaanta habka Maamulka is dabajoogga ah ee H. D. Qaranka (Fiirj lifaaqa 4aad).

### Qod. 19aad

#### Habka Baarista Caafimaadka

Muwaadinka loogu yeeray gudashada H. D. Q. wuxuu xareynta ka hor marayaa laba heer oo baaris Caafimaad oo kala ah. Baarista Caafimaadka hore iyo Baarista Caafimaadka Buuxa.

1. Baarista Caafimaadka hore waxaa lagu xaqiijinayaa Caafimaadka guud ee Muwaadinka iyadoo fiirgaar ah la siinayodhammaanshaha dhismaha, hannaan ka jirka iyo tilmaamaha kale ee ku xusan xarafka (X iyo Kh) ee xubinta 4aad ee Qodobka 19aad.

Qod. 20aad

Xubnaha Guddiga Baarista Caafimaadka

1. Guddiga Baarista Caafimaadka hore oo ah heer Gobol, Degmo & Saldhig waxaana magacaabaya mada xa qaybta Abaabulka ee H. D. Q. Wuxuuna ka kooban yahay:

— Madaxa Caafimaadka Gobolka — «Guddoomiye».  
— Saddex Dhakhtar oo taqasus kala duwan leh oo ka tirsan Ciidammada Q. S. Iyo Wasaaradda Caafimaadka — «Xubno».

2. Guddiga Baarista Caafimaadka buuxa, waa gud di heer Qaran ee uu magacaabo Wasiirka Wasaaradda Gaashaandhigga, wuxuuna ka kooban yahay.

— Dhakhtar oo taqasus kala duwan leh oo ka tirsan Ciidammada Qalabka Sida.

— Iyo Wasaaradda Caafimaadka — Xubin

3. Haddii Dhakhtarka Ciidammada ay takhasus ahaan ama tiro ahaan ku fillaan waayaan hawsha, wa xaa xubnaha Guddiyada kor ku xusan ka mid noqona yaa Dhakhaatiir Rayid ah oo ka socdaan Wasaaradda Caafimaadka.

Qod. 21aad

Cudurada Layskaga Reebo Ka Qayb Galka H. D. Q.

1. Cudurada Muwaadinka looga reebayo ka qayb galka ama looga saarayo H. D. Q. waxay ka mid yihiin isla cudurada lagu ruqseeyo xubnaha Ciidammada Q. Sida oo ku xusan Shaxda 1aad, 2aad ee qodobka 7aad ee Sharciga lambar 51aad soona baxay 28.7.81, kuna saabsan qiimeynta Caafimaadka Dadka ka tirsan Ciidammada Q. Sida ee ku xusan (Lifaafa 5aad).

QAYBTA AFRAAD

Tababarada Hawsha Difaaca Qaranka

Qod. 22aad

Tababarada Hawsha Difaaca Qaranka

1. Tababarada H. D. Q. waxay saameeyaan u di vaarinta Muwaadiniinta gudaneysa H. D. Q. waa

2. Qaybaha muhiimka ah ee Tababarada waxay yihiin:

- Tababarka Layliska Jadiidka.
- Tababarka Layliska Sarkaal.
- Tababarka Layliska S/Xigeen.
- Tababarka Farsamayaqaanada & Hawl gaarlayaa sha.

3. Barnaamijka Tababarka H. D. Q. wuxuu ku xusan yahay Qorshaha gaar ahaaneed ee Tababarka.

#### Qod. 23aad

##### Tababarka Layliska Jadiid

1. Muwaadiniinta buuxisa shuruudaha ku xusan qod. 6aad 8aad iyo 10aad ee xeernidaamiyaha, waxay galayaan marka laga reebo kuwa galaya tababarka leyli Saraakiil, tababarka layliska Jadiidka oo ah 6 bilood oo xiriir ah.

2. Tababarka layliska Jadiidka ujeeddadiisu wa xay tahay:

— In la gaarsiyo muddada uu ku jiro leyliiska, heer di yaargarow dagaal oo si waxtar leh uu kaga qayb geli karo goobaha Dagaalka.

— In Muwaadinka ka yimid Rayadka ah loo diyaariyo nolol Askareed.

3. Jadiidka markii ay dhammeystaan tababarka layliska, waxaa lagu magacaabayaa derajada ah Dable, qaybka mid ahna waxaa loo qaada karaa S/Xigeen iyo Farsamayaqaanno sare oo ay Ciidamdu u baahan yihiin, inta kalena loo kala qaybinayaa N. C. Q. Sida Nooc yada Ciidammada X. D. S. iyo Jaadadka Colalka.

#### Qod. 24aad

##### Tababarka Leylis Sarkaal

1. Waxaa Tababar la siinayaa laylis Saraakiisha loo diyaarinayo iney noqdaan Saraakiisha H. D. Q. wu xuna isugu jiraa mid aqoon guud oo ku saabsan bara shada Maadooyinka asaasiga ee wadar ahaan u saamee ya takhasusyada kala duwan iyo mid takhasuseed oo ku saabsan barashada iyo horugu dhaadhaca takhasus ama xirfad ka mid Noocyada Ciidammada iyo Jaadadka Colalka.

2. Tababarka leylis Sarkaal ee H. D. Q. oo lagu qaadanayo Kuuliyadda Ciidammada, waxaa geli kara oo keliya Muwaadiniinta haysata Shahaado Jaamici iyo kuwa u dhigma.

3. Muwaadiniinta loogu yeeray H. D. Q. oo haysta Shahaadada Dugsiga Sare, waxaa loo qaadan karaa leylis Sarkaal, markii ay jirto baahi orkaaniko ah.

#### Qod. 25aad

##### Tababarka Saraakiil Xigeen

1. Tababarka S/Xigeen, waa Tababar la siiyo Dableyda kaddib markii ay soo qaataan kan layliska Jadiidka, wuxuuna isugu jiraa mid aqoon guud iyo mid takhasuseed oo loogu diyaarinayo S/Xigeenka, barashada waajibaad gudashada xilka kala duwan.

2. Waxaa tababarka S/Xigeenka loo qaadanayaa Dablaha si wanaagsan u soo gutay tababarka layliska Jadiidka, lana sugay kartidiisa, saansaanta dabeecadiisa (Attitudine) iyo Asluub haystana Shahaadada Dugsiga Sare ama Dugsiga Dhexe iyo Farsamayaqaanada Sare ee aan haysan Shahaado dugsiyeed oo aqoontooda xirfadeed loo qiimeeyey heer dugsi Sare ama dgsi Dhexe.

3. Tababarka S/Xigeen, wuxuu u qaybsamaa Takhasusyada noocyada Ciidammada Q. Sida, Noocyada Ciidammada X. D. S. iyo Xirfadaha Jaadadka Colaika iyo Farsamadaha kala duwan.

#### Qod. 26aad

Tababarka Farsamayaqaanada iyo Hawlgaarayaasha

1. Tababarada Farsamayaqaanada iyo Hawlgaarayaasha waxaa lagu diyaarinayaa Dableyda la siinayo aqoon Farsamo iyo hawlaha gaar ahaaneed ee la xiriira kabidda, hagaajinta qalabka iyo alaabada kala duwan ee Ciidammada.

2. Waxaa Tababarka kor ku xusan loo qaadanayaa Dableyda haysata Shahaadooyinka Farsamo iyo kuwa horey hawl ahaan ugu soo shaqeeyey, waxaana lagu tababarayaa Dugsiyada u gaarka ah.



Qod. 27aad

Tababarka Takhasusyada H. D. Qaranka

1. Tababarka Takhasusyada Ciidammada waxaa loola jeedaa tababarada gaar ahaaneed ee la siiyo dadka ka tirsan Noocyada Ciidammada iyo Jaadadka Colalka, si looga yeelo aqoon xirfadeed.

2. Tababarada Takhsusyada waxaa la siinayaa dhammaan Dableyda, S/Xigeenka & Leylis Saraakiisha H. D. Q. waxayna ku qaadanayaan dugsiyada mid walba loogu tala galay.

Qod. 28aad

Muddada Hawsha Difaaca Qaranka

1. Muddada H. D. Q. waa laba (2) Sano oo xiriir ah laga bilaabo taariikhda ay Dufco walba gasho Dugsiyada H. D. Q. Muddadaas waxay u kala baxdaa laba xilli oo kala ah xilliga tababarka iyo xilliga shaqada.

2. Xilliga tababarka wuxuu u kala baxaa laba qaybood oo kala ah qaybta leylinta Jadiidka iyo Saraakiisha iyo qaybta takhasuseed oo lagu qaadanayo maadoodin gaar ahaaneed sida barashada takhasusyada Noocyada Ciidammada, xirfadaha, Jaadadka Colalka iyo Farsamadaha kala duwan.

3. Muddada la qaadanayo tababarrada kala duwan waa sida soo socota:

B) Tababarka layliska Jadiidka iyo L/Saraakiil waa 6 (Lix) bilood oo xiriir ah.

T) Tababarka S/Xigeenka, Farsamada iyo Takhasusyada kala duwan waa 3 (Saddex) bilood oo xiriir ah.

4. Muddada tababarka L/Saraakiisha H. D. Q. oo haysta shahaaddo Jaamici ee Kuuliyadda Caafimaadka iyo Daawooyinka (Medicina) ee Farmacisti, kuwaasoo qaadanaya Tababar gaaban ee aqoon guud ee Militerinimo oo 90 maalmood ah (Saddex Bilood).

Qod. 29aad

Habka Xiriirka Ka Qayb Galayaasha H. D. Q.

Iyadoo waafaqsan Marxaladaha leyliiska tababarka Takhasuska iyo muddada shaqada, waa in H. D. Q. ioo qorsheeyaa hab xiriirsan oo dufcooyinka si isdabajoog ah oo aan kala go'lahayn isku weydaarsadaan si ayan dhaxraalo uga soo bixin. Sidaas awgeed, si loo xaqiijiyo dhammeystirnaanta iyo hawlgalka Ciidammada waa in markasta jaangooyada suuragelisaa in la helo dufco tababar, dufco hawlgal ah, isla markaana ay diyaarsan yihiin kuwii beddeli lahaa (Fiiri Lifaaqa 6aad).

QAYBTA SHANAAD

Mawqif Sharciyeedka Muwaadinka ka qayb galaya HDQ

Qod. 30aad

Xeerka Lagu Dhaqayo H. D. Qaranka

1. Muwaadinka loo qoray H. D. Q. Muddada uu ku jiro tababarka iyo shaqada Ciidammada wuxuu yeelanaayaa xuquuqda maamuleed (Dhaqaale ee la mid ah kuwa ay isla darajada yihiin ee ka tirsan Ciidammada Qalabka Sida.

2. Muwaadiniinta Gudanaaya Waajibaadka H.D.Q. waxaa lagu dhaqayaa muddada ay ku jiraan tababarka iyo shaqada nidaamka Dhisibiliinka X. D. S. Xeerka Ciqaabta C. Q. S. iyo Xeerka kala ee u degsan Ciidammada

Qod. 31aad

Mudnaashada Derejooyinka

1. Dableyda sida wanaagsan u dhameysata tababarka Jadiidka ee ku guuleysa waaya tartamada tababarka S/Xigeenka L/Saraakiil iyo Farsamada waxaa loo kala qaybinayaa Ciidammada.

2. Dableyda dhameysata tababarada S/Xigeenka iyo Farsamoyaqaanada heerkooda aqooneed loo qiimeeyey in ay qaban karaan xilal S/Xigeen, waxaa loo dalacsiin karaa Darajada Alifle L/Alifle.

3. Dableyda, Alifleyda, S/Xigeennada iyo Farsamayaqaannada H. D. Q. ee doorta inay ku haraan shaqada Ciidammada waxaa lagu dhaqayaa xeerarka iyo Nidaamyada u degsan Ciidammada Joogtada ah.

4. L/Saraakiisha si wanaagsan u dhammeysata tababarka layliga ee lagu siiyay Kuliyadda Ciidammada waxaa loo dalacsiinayaa Darajada Xiddigle H. D. Q.

Qod. 32aad

Kala Horeynta Darajooyinka

— Saraakiisha isku Darajada ah ee ka kala yimid H. D. Q. iyo kuwa Ciidammada Joogtada ah, haddii ay meel wada joogaan, waxaa mudnaanta kala horreynta leh kan Ciidammada Joogtada ah.

Qod. 33aad

Sarkaalka Hawsha Difaaca Q. ee ku Hara Ciidammada — Sarkaalka H. D. Q. ee ku hara Ciidammada, ka dib markuu gaato tababar gaaban oo aqoon kororsi ah, waxaa loo dallacsiin karaa Darajada ah L/Xiddigle wuxuuna ka mid noqonayaa Saraakiisha Ciidammada oogtada ah.

Qod. 34aad

Tixgelinta H. D. Q. Xagga Xiriirka Shaqada

— Muwaadinka dhammeysta H. D. Q. haddii uu ku haro shaqada Ciidammada ama uu u gudbo shaqooyin kale ee hay'adaha Dawladda, waxaa loo tixgelinayaa xagga xiriirka shaqada (Ansianita- Muddadii uu gudanayey H. D. Qaranka.

Qod. 35aad

Xaalada Kordhin Kara Muddada H. D. Q.

— Waxyaabaha kordhin kara H. D. Q. Muddadeeda wa xay yihiin:—

1. Haddii Muwaadinku galo Ganaax Dhisibiliinood oo wadartiisu gaareyso 72 maalmood iyo wixii ka badan muddada uu ku jiray tababarka iyo shaqada Ciidammada, waxaa loogu kordhinayaa waqtiga H.D.Q. Tirada maalmaha la ganaaxay.

2. Marka Muwaadika gudanaya H. D. Q. uu galo dembi Maxkamadeed oo Ciqaabtiisu gaarayso 5 Sano oo xarag ah dib looguma soo celinaayo Gudashada H.D.Q.

3. Marka Muwaadinka lagu eedeeyey dembi Maxkamadeed, hase yeeshee ay Maxkamaddu dembigii ku weydo ama Cafis loo fidiyo dib looguma raacanayo Muddadu ka maqnaa H. D. Qaranka.

Qod. 36aad

Ka Sii Deynta Shaqada H. D. Qaranka  
Muwaadinka ku jira H. D. Q. waxaa looga sii deyn karaa Sababaha soo socda:

1. Markii ay u dhamaato laba sano oo xariir ah haddii uusan la imaan Xaaladaha kordhin kara mudda da oo ku xusan Qodobka 36aad.

2. Haddii asagoo gudanaya H. D. Q. ay ku soo ba xaan cuduroo ka mid ah kuwa ku xusan Shaxda 1 iyo 2 ee qodobka 21aad, ee Xeer Nidaamiyaha.

3. Haddii uu ku sifoobo xaalad ka mid ah kuwa ku xusan qodobka 19aad.

Qod. 37aad

Dib Ugu Yeerista Muwaadin H. D. Qaranka

1. Muwaadiniinta horey u gudatay H. D. Q. waxaa mar kale dib loogu yeeri karaa H. D. Q. Sababaha soo socda awood:—

— Si loo joogteeyo diyaargarowgooda dagaaleed iyo Aqoontooda xirfadeed ee Ciidammada.

— Si loo siiyo aqoon kororsi xagga dotariinada iyo Ma baadi'da Dagaalka siiba marka ay Ciidammada ku soo biiraan tegnika cusub ama marka wax iska bed delaan dhisaha Jaangooyada iyo Xeerarka Dagaal ka ee u degsan Ciidammada.

— Marka ay abuuranto xaalad Dagaal loona baahdo in la sameeyo abaabul Guud.

Dib ugu yeeridda tababareed ee H. D. Q. waxay khu seysaa oo keliya Saraakiisha H. D. Q. iyo S/Xigeenada Farsamada gaarka ah, waxaana loo yeeri karaa wa

Qod. 38aad

Ka Joojinta Dhoofidda

1. Muwaadiniinta aan gudan H. D. Q. waxaa ka reeban in la siiyo Dokumentiga ka dhoofidla Dalka (Passaporto).

2. Haddii ay abuuranto xaalad gaar ahaaneed oo la xiriirta Difaaca Dalka, ayadoo lagu soo saarayo xeer Madaxweyne, waxaa Muwaadiniinta gutay H. D. Q. laga joojinayaa djabad u dhoofidda.

Qod.39aad

Dokumentiyada Hawsha Difaaca Qaranka

1. Dokumentiyada H. D. Q. waxay yihiin kuwa ka la nooc ah oo kala sameeya hawlaha kala duwan ee Maamulka H. D. Q. waxayna yihiin kuwa dhammaystiran, mideysan (Standard) oo u habeysan mid kasta loogu tala galay.

2. Dokumentiyada H. D. Q. waa inay xannaanaysan yihiin qoristooduna joogtaysan tahay oo lagu heli karo Waaxyaha iyo Xafiisyada laga maamulo H. D. Q. Isla markaana maamulkoodu is waafaqsan yihiin.

Qod. 40aad

Dhaqan Gal

Xeer Nidaamiyahaani wuxuu dhaqan galayaa 15 maalmood kaddib marka lagu soo saaro Faafinta Rasmiiga ah ee J. D. Soomaaliya.

Muqdisho, 27.5.83

WASIIRKA WASAARADDA GAASHAANDHIGGA

S/Guud Maxamed Cali Samantar

L I F A A Q :

1. Xeerarka Guddiyada H. D. Q. Fadhigooda iyo Aagga Mas'uuliyadla Lifaaq L. 1aad.

2. Koobnaanta Dhismaha Hawsha Difaaca Qaranka Lifaaqa L. 2aad.

3. Xafiisyada Abaabulka H. D. Q. ee Gobollada J. D. Soomaaliyeed Lifaaqa L. 3aad.

4. Koobnaanta Habka Maamulka Is dabajooga ah ee H. D. Qaranka Lifaaqa L. 4aad.

5. Cudurrada Leysaga Reebo Ka Qayb Galka ama H. D. Qaranka Lifaaqa L. 5aad.

6. Habka Xiriirka ka Qayb Galayaash H. D. Q. Lifaaqa 6aad.

Cudurada Leysaga Reebo ka Qayb Galka ama Shaqada H. D. Qaranka Lifaaqa L. 5aad.

Shaxda Koowaad

B. Qaybta Koowaad:—Cuduradaha Gudaha.

1. Diabete Mollito Grave, (Millitus Diadbebes So rius).

2. Malformazione and Acquire Cardiac Malformation.

3. Tumori Maligni (Malignum Tumoros ).

4. Empatio Sistomiche Sistomie Heamopathy (Heamopathy) Empopatie.

T. Qaybta 2aad:—Cudurada Madaxa.

1. Epilessia (Epilepsy).

2. Psicosi (Psilepay).

3. Malattie Degenerative del sistema nervosa (Mano Trastra Palegia, Paraplegia).

4. Psicopatia (Psychopathy).

J. Qaybta 3aad: Cudurada Indhaha.

1. Glayooma, mono bilaterale con altrazione del

fondo di visto fino a 0,5 (Glauoma mano bilateral with difect of the forsdus, andesght up 0,5).

2. Atrofia del nervo attico mino bilaterale di natu ra vario bilaterale con bito fino 0,5 mono laterale fino 0,2. Atrophy of optic nerve uni bilateral of various natu re, if uni lateral with sopuir UPO,2).

3. Leucome Generale mono bilaterale con vista fino 0,5 e mono laterale con vista 0,2.

X. Qaqbta 4: Cudurada Sanka, Dhegaha iyo Cunaha.

1. Sordita assoluta bilaterale absoluto bilateral defenss.

2. Sordinutismo e mutismo organico mordimotl & mutism.

3. Neo plesie nella etorino laringoiatrica Neopla In the E. N. T.

4. Malformazione e esito permanente di lesione e malattie della labbre, orecchie, naso, platione permane nti malformation & result of lesion or desessis of the l ps, ear nose & plationom.

5. Afachia mono bilaterale aphakis uni bilaterale.

6. Tumore della orbita e dell'occhio tumor of the orbit and the eye boll.

7. Emorolapia Hemorolapia.

Kh. Qaybta 5aad: Qalliinka:—

1. Ressione intestinale intestinal resections.

2. Anus pretonaturale.

D. Qaybta 6aad: Cudurrada Maqaarka.

1. Lues II. III. St.

2. Ustione II. III. St, Combustione II. III. Stag.

Shaxda 2aad

Sharciiga Guddiyada Qiimeynta Caafimaadka C. O. S.

B. Qaybta 1aad: Cudurrada Gudaha:—

1. TBC, Polmonare, extra polmonare and extra polmasar TBC.

2. Cirrosi opatica e epatoma cirrhesis and hepato ma.

3. Ipertenziine essensiale III. stage Essentil hipe ratention III. Stage.

4. Poiaethitis con deformazione ossea poliarterite with borne deformation.

5. Bérhco ectasia bronche ektasis.

6. Glomerulonefrite cronica chronic clumerule phtis.

7. Tireotossicosi thyriotossicosis.

8. Malattieda radiazione di R. X. Radiation dIse ase.

9. Splenomegalia di warie nature Splenomegaly of various nature.

T. Qaybta 2aad: Cudurrada Madaxa.

1. Schizofrenia, Schizophrenis.

2. Malattie del sistema nervoso centrale e periferica di natura vascolare infettive e traumatica (meningo, enci falite e disturbo del centro spinale).

Diseasis of the contral and prechrial nervus system the cause is vasoular, infectional and traumatics (Insul enceratis menig encelitis).

J. Qaybta 3aad: Indhaha.

1. Stato postene unibelaterale condition afer ene calation unibilateral.

Tracoma, Trachoma.

3. Malattie croniche della ghiandola lacrimale la descritite cronica chronic dacriocystittis.

4. Disturbi cronica della malattie dei muscolari oculari (diplopia). Chronic distures of movement of the ocular muscles (diplopia).

X. Qaybta 4aad: Qalliinka.



1. Esita poste gastroectomia e nefroectomia Result of the gastroectomy and nephroectomy.

2. Amputazione della arti amputatione of the lamps.

3. Lobectomia total, total lebectomy.

4. Amputazione della I. II. dite della arte superiore Amputation of I. II. fingers of the hands.

5. Amputazione della dito totale delle arti. Totale amoutation of fingers of limp.

6. Strittura permanente della bie urinarie permanente sriecture of urinary tract.

7. Anchilosi dell'articolazione di varie nature anchilesis of joint of various nature.

8. Uteroectomia Uteroectomia.

9. Deformazione ossea postraumatica di varie nature postraumatic and other aethioiogy of bornes de formations.

D. Qaybta 5aad: Cudurrada Maqaarka.

1. Eczema Extemy.

2. Psoriasis.

3. Lichan ruber planus.

**WAAXAHA ABAABULKA HAWSHA DIFAACA  
QARANKA EE GOBOLLADA J. D. S.**

<b>T Magacyada Waaxaha Abaabulka H.D. Qaranka</b>	<b>Fadhiga Xafiisyada</b>	<b>Aagga Mas'uuliyadda Xafiisyada</b>	<b>Xusuus</b>
Waaxaha Dhexe ee Abaabulka H.D. Qaranka	Mugdisho	Gobollada Banaadir, Sh. Dhexe iyo Sh. Hoose	
Waaxaha Abaabulka H.D. Qaranka	Jowhar	Gobolka Shabeelada Dhexe	
Waaxaha Abaabulka H.D. Qaranka	Marka	Gobolka Shabeelada Hoose	
Waaxaha Dhexe ee Abaabulka H.D. Qaranka	Baydhabo	Gobolka Bay, Bakool iyo Gedo	
Waaxaha Abaabulka H.D. Qaranka	Xuddur	Gobolka Bakool	
Waaxaha Abaabulka H.D. Qaranka	Garbaharray	Gobolka Gedo	
Waaxaha Dhexe ee Abaabulka H.D. Qaranka	Dhuusamareeb	Gobollada Hiiraan, G/Gaduud, Mudug iyo Nugaal.	
Waaxaha Abaabulka H.D. Qaranka	B/Weyne	Gobolka Hiiraan	
Waaxaha Abaabulka H.D. Qaranka	Gaalkacyo	Gobolka Mudug	
Waaxaha Abaabulka H.D. Qaranka	Garowe	Gobolka Nugaal	
Waaxaha Abaabulka H.D. Qaranka	Kismaayo	Gobolka Jubbada Hoose	
Waaxaha Abaabulka H.D. Qaranka	Bu'aale	Gobolka Jubbada Dhexe	
Waaxaha Abaabulka H.D. Qaranka	Hargeysa	Gobolka W/Gaibbeed, Togdheer, Sanaag iyo Bari	
Waaxaha Abaabulka H.D. Qaranka	Burso	Gobolka Togdheer	
Waaxaha Abaabulka H.D. Qaranka	Boosaaso	Gobolka Bari	

**HEERARKA GUDDIYADA H.D.Qaranka FADHIGOODA IYO  
AAGAGGA MAS'UULIYADDA**

/T Nooca Guddiga	Fadhiga Gu/ga	Aagga Mas'uuliyadda	Xusuus
Guddiga Sare ee Abaabulka H.D. Qaranka	Muqdisho	J.D.S	
Waaxda Abaabulka H.D. Qaranka	Muqdisho	Gobollada Banaadir Sh/Dhexe, iyo Hoose	
Waaxda Abaabulka H. D. Qaranka	Dhuusa Mareeb	Gobollada Hiiraan, Galgaduud iyo Nugaal	
Waaxda Abaabulka H.D. Qaranka	Hargeysa	Gobollada W/Galbeed, Togdheer, Sanaag Iyo Bari	
Waaxda Abaabulka H.D. Qaranka	Baydhabo	Gobollada Bay, Bakool iyo Gedo	
Waaxda Abaabulka H.D. Qaranka	Kismaayo	Gobollada J. Hoose iyo J. dhexe	
Waaxda Abaabulka H.D. Qaranka	Garowe	Gobollada Nugaal, Mudug iyo Bari	

EYNTA  
JUWAADI-  
KA QAYB.  
ARANKA

GUDDIGA  
HAWSHA  
DIFAACA  
QARANKA

SOO SAARIDDA  
GO'AANKA  
LIISKA KA  
QAYB. H.D. Qaranka  
5 MAAJO